

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-45-10795/21
Sarajevo, 22.09.2021. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14), člana 14. stav 2. tačka 2. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, u predmetu javne nabavke – "Vršenje usluge izrade projektne dokumentacije javne rasvjete" u Konkurentskom postupku, objavljenom na Portalu javne nabavke, broj obavještenja 422-7-2-85-3-49/21 od 11.06.2021. godine, na preporuku Komisije za javne nabavke roba i usluga, Općinski načelnik, donosi

ODLUKU

1. Stavlja se van snage Odluka Općine Novi Grad Sarajevo o izboru najpovoljnijeg ponuđača CPK D.O.O. SARAJEVO, br. 02/12-45-10795/21 od 26.07.2021. godine, u predmetu javne nabavke "Vršenje usluge izrade projektne dokumentacije javne rasvjete" u Konkurentskom postupku, objavljenom na Portalu javne nabavke, broj obavještenja 422-7-2-85-3-49/21 od 11.06.2021. godine,
2. Dodjeljuje se ugovor ponuđaču IPSA INSTITUT DOO SARAJEVO, sa ponudom u iznosu od 18.369,00 KM sa PDV – om, shodno članu 64. stav 1. tačka b) Zakona o javnim nabavkama.
2. Zadužuje se Služba za zajedničke poslove da obavjesti učesnika u Konkurentskom postupku javne nabavke o donošenju Odluke o dodjeli ugovora.
3. Protiv ove Odluke dozvoljena je žalba u roku od 5 dana od dana prijema iste.

Obrazloženje

Postupak javne nabavke – "Vršenje usluge izrade projektne dokumentacije javne rasvjete" pokrenut je Odlukom o pokretanju postupka javne nabavke u skladu sa članom 18. Zakona o javnim nabavkama putem Konkurentskog postupka, objavljenom na Portalu javne nabavke, broj obavještenja 422-7-2-85-3-49/21 od 11.06.2021. godine.

Izvještajem o radu Komisije i preporukom za dodjelu ugovora, utvrđeno je sljedeće:

- da su Zapisnikom sa otvaranja ponuda od 24.06.2021. godine pristigle četiri blagovremene ponuda, i to:

1. IPSA INSTITUT d.o.o. Sarajevo, sa ponudom u iznosu od 18.369,00 KM sa PDV – om,
2. MANEDRA COMPANY d.o.o. Mostar, sa ponudom u iznosu od 2.925,00 KM sa PDV – om,
3. CPK d.o.o. Banja Luka, sa ponudom u iznosu od 10.319,40 KM sa PDV – om,
4. ELEKTROKOVINA d.o.o. Sarajevo, sa ponudom u iznosu od 11.694,15 KM sa PDV – om.

- da je Komisija je detaljnom analizom pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku, utvrdila da ponude ponuđača MANEDRA COMPANY d.o.o. Mostar i ELEKTROKOVINA d.o.o. Sarajevo i CPK d.o.o. Banja Luka ne ispunjavaju uslove specificirane u tenderskoj dokumentaciji.

- da Ponuda ponuđača MANEDRA COMPANY d.o.o. Mostar ne ispunjava uslove specificirane u tenderskoj dokumentaciji pod tačkom 3.2.1. pod (7) Uz spisak izvršenih ugovora ponuđač je dužan dostaviti potvrde koje za predmet ugovora imaju usluge koje su u vezi predmeta nabavke, ukupne vrijednosti zbirno najmanje 20.000,00 KM sa PDV-om od čega minimalna vrijednost pojedinačnih ugovora mora biti najmanje 5.000,00 KM sa PDV-om, koje su izdale ugovorne strane – naručioci usluga, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ važi izjava ponuđača o uredno izvršenim ugovorima uz predočenje dokaza o učinjenim pokušajima da se takve potvrde obezbijede.

Ponuđač je u sastavu ponude dostavio kopije Potvrda o dobro izvršenim radovima, izdate od HOLD INA d.o.o Sarajevo od 31.05.2021. godine i Energopetrol dd Sarajevo od 31.05.2021. godine kao i ovjerenu kopiju JP CESTE FEDERACIJE BIH od 12.04.2021. godine.

Kako kopije potvrda Energopetrola dd Sarajevo i HOLD INA d.o.o Sarajevo nisu ovjerene, to ponuda ponuđača nije u skladu sa tačkom 3.2.1. pod (7) i 3.2.2. tenderske dokumentacije koja propisuje da je „ponuđač dužan dostaviti u sastavu ponude originale ili ovjerene kopije“, kao i potvrda JP CESTE FEDERACIJE BIH od 12.04.2021. godine koja ne sadrži vrijednost ugovora.

- da Ponuda ponuđača ELEKTROKOVINA d.o.o. Sarajevo ne ispunjava uslove specificirane u tenderskoj dokumentaciji pod tačkom 3.2.1. pod (7) Uz spisak izvršenih ugovora ponuđač je dužan dostaviti potvrde koje za predmet ugovora imaju usluge koje su u vezi predmeta nabavke, ukupne vrijednosti zbirno najmanje 20.000,00 KM sa PDV-om od čega minimalna vrijednost pojedinačnih ugovora mora biti najmanje 5.000,00 KM sa PDV-om, koje su izdale ugovorne strane – naručioci usluga, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ važi izjava ponuđača o uredno izvršenim ugovorima uz predočenje dokaza o učinjenim pokušajima da se takve potvrde obezbijede.

Potvrde navedenog ponuđača koje su dostavljene u sastavu ponude ne sadrže sve tražene podatke, tj. vrijeme izvršenja ugovora.

- da ponuda ponuđača CPK d.o.o. Banja Luka ne ispunjava uslove specificirane u tenderskoj dokumentaciji pod tačkom 3.2.1. pod (8) dokaz izdat od PIO/MIO/Porezne uprave da ponuđač ima u radnom odnosu namanje jednog diplomiranog inženjera sa položenim stručnim ispitom (original ili ovjerena kopija dokumenta ne starija od 30 dana).

Ponuđač je u sastavu ponude dostavio Uvjerenje o podacima registrovanim u matičnoj evidenciji osiguranika Fonda za penzijsko i invalidsko osiguranje Republike Srpske od 18.06.2021. godine za osiguranika Savić Milana iz kojeg se vidi da se imenovani u periodu izdavanja navedenog uvjerenja ne nalazi u radnom odnosu kod kod ponuđača CPK d.o.o. Banja Luka.

- da od četiri dostavljene ponude samo jedna ponuda ispunjava uslove specificirane u tenderskoj dokumentaciji i to ponude ponuđača IPSA INSTITUT d.o.o. Sarajevo.


- da je na preporuku Komisije za javne nabavke roba i usluga, primjenom kriterija „najniža cijena“ u skladu sa članom 64. stav 1. tačka b) Zakona o javnim nabavkama, donesena Odluka o izboru najpovoljnijeg ponuđača, br. 02/12-45-10795/21 od 05.07.2021. godine kojom je izabrana IPSA INSTITUT d.o.o. Sarajevo,

- da je protiv navedene Odluke Općine Novi Grad Sarajevo o prihvatanju ponude IPSA INSTITUT d.o.o. Sarajevo, br. 02/12-45-10795/21 od 05.07.2021. godine, ponuđač „CPK“ d.o.o. Banja Luka, putem advokata Gavrilović Borka iz Banja Luke izjavilo žalbu, te da je ista na preporuku Komisije za javne nabavke roba i usluga uvažena, te donesena Odluka br. 02/12-45-10795/21 od 26.07.2021. godine kojom je žalitelj, odnosno ponuđač CPK d.o.o. Banja Luka izabran za najpovoljnijeg ponuđača.

- da je Dopisom Službe za zajedničke poslove br. 02/12-45-10795/21 od 04.08.2021. godine izabrani ponuđač CPK d.o.o. Banja Luka obavješten da je njegova ponuda izabrana kao najpovoljnija, te da je dužan u roku od 5 dana da dostavi dokumente iz člana 45. stav 2. tačka od a) do d) Zakona o javnim nabavkama,

- da je uvidom u predmet utvrđeno da izabrani ponuđač CPK DOO BANJA LUKA nije dostavio traženu dokumentaciju iz člana 45. stav 2. tačka od a) do d) Zakona o javnim nabavkama.

Kako je nakon donošenja Odluke Općine Novi Grad Sarajevo, br. 02/12-45-10795/21 od 26.07.2021. godine o izboru najpovoljnijeg ponuđača CPK d.o.o. Banja Luka izabrani ponuđač propustio dostaviti originale ili ovjerene kopije dokumentacije iz čl. 45. Zakona o javnim nabavkama, ne starije od tri mjeseca od dana dostavljanja ponude, to Ugovorni organ dostavlja prijedlog ugovora onom ponuđaču čija je ponuda po rang- listi odmah nakon ponude najuspješnijeg ponuđača, shodno članu 72. Zakona o javnim nabavkama.



Obzirom da se radi o Konkurentskom postupku, objavljenom na Portalu javne nabavke, broj obavještenja broj obavještenja 422-7-2-85-3-49/21 od 11.06.2021. godine, da je dostavljena jedna ponuda koja ispunjava uslove specificirane tenderskom dokumentacijom, na preporuku Komisije za javne nabavke roba i usluga, shodno članu 64. stav 1. tačka b) Zakona o javnim nabavkama, odlučeno je kao u dispozitivu.

Kako je izabrani ponuđač u sastavu ponude dostavio uvjerenja iz člana 45. Zakona o javnim nabavkama kao i ovjerenu kopiju Potvrde Centralne banke BiH, navedenu dokumentaciju nije dužan dostavljati nakandno.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis

